

丙戌年 五月 廿二日
2006年 6月 17日

教芸侍纂 教匡侍宣
自嶽侍襄 自烟侍錄

台總主院例統科

沙雲寶

吾守沙 吳鳳奉

命淨沙。

吾守壇 鄭成功奉

命淨壇。

濟佛 吾奉

師命自青玄來台總主院壇。

梅雨期已過。滿山黃梅皆熟落。若問道修幾時方有個結果。哈哈。道修之有。異於萬有。成道之無。別於他無。皆本乎道中之有無。而非事物之有無耶。道也者。齊彭殤。一生死。通有無者也。自物物觀之。彭殤本不齊也。死生本不一也。有無本不通也。然自大道觀之。無可執也。無可執。故有未必固有。無亦非空亡。道在性。性不可見。道不可見。性在心。心思無窮。道用無窮。故不宜爭於有無。判於竅妙。無者。仁者。寂者。虛者。即靈。即天。即真。即誠。有者。和者。義者。禮者。爲時。爲用。爲宜。爲方。知乎此。方可以解有無。明乎此。才足以言道修。有爲無之用。無爲有之宗。用歸其宗。修底於誠。誠明之諦。即先後合天之旨。虛寂靜篤。必明有無之玄同。合大道之妙。人懷愛欲。故不見道。譬如澄水。致手攪之。無有覩其影者。修人靜以體道。動以行慈。尙實尙虛。虛作實鍊。是得其適。參透個中妙。知行能合一。見性自明心。佛曰。博聞愛道。道必難會。守志奉道。其道必大。是道修不可與他學藝比。精一虛靜。閑邪存誠。日捐其欲。日新其德。以致於無爲而無所不爲。爲而不恃。生而不有。功成而不居。見性明心。盛德大業。富有日新。皆在時中。道不遠人。奈何世人肉眼。難以分別真假。往往逐妄迷真。愚癡且貪婪。爲德二三心。妄想又執著。迷惑復顛倒。噫。是與非。勿討論。到頭來。數已定。碌碌人生。不如安分。奉法守則。居易俟命。一誠達化運。語云。有物必有則。清心寡欲。身心健康。有德不孤。福壽綿長。真誠清靜。隨緣自在。書曰。君子是則是傲。凡人心爲一身主宰。有所憂患。恐懼。好樂。忿恨。皆不得其正。諸不得其正。皆因不守分。不知命。不樂天。不守則。如欲得其正。非禮勿視得其正。非禮勿言得其正。非禮勿聽得其正。非禮勿動得其正。日求中規中矩。夜自進止安詳。心存正大光明。常養浩然正氣。善善能遷。有過則改。九思是道修初步。應多留心細思量。視思明能察秋毫。聽思聰聞理明達。色思溫和顏悅道。貌思恭彬彬有禮。言思忠不自欺欺人。疑思問不恥下問。事思敬三思而行。忿思難息事寧人。見利思義不貪取。修身誠意即是返樸歸真。有其固有。性澈靈明。如一輪日暎。寂焉長存。無其本無。無私無欲。無魔惑遮惹。常應常靜。常清靜矣。通而一之曰誠存。吾佛於法華會上。再三告諸菩薩及一切大眾。當信解如來誠諦之語。佛爲眾生故。以方便力。說滅度實非滅度。自成佛以來。以至無量數劫。無邊世界。無不至誠不已。化度眾生。護佑眾生。故誠爲道中之萬有。儒門浴沂興歌。澤下天道。葛洪乘醉入冰。天下風行。是不可以肉眼論道之有無。應以智慧

明。哈哈。有德不孤。福壽綿長。又逢禎子壽慶。人天同賀。爲此福酒。以介眉壽。期頤雙輝。高歡一尊。

今日案目。師示。由老衲代判

一、二目樂捐佳修。慈行慈意。可嘉獎。師示各賜晉天爵一至九級。福壽光各五寸。

三目求寶。准。依章頒領可也。師示。各賜道圓靈二度可也。

四目新修求排名准。記入樞冊可也。師示。賜慧靈二度。以助修程。

五目裕掌請假探親。准。奉師示。賜統寶三尊。佩之可也。

今日來侍佳修。一心不二者。

師示。賜晉天爵十級。福壽光各六寸。清健靈各六度。免因三次。即休。後師示。可繼宗壇賜書畫也。吾先退。